

Gvangjsih Minzczuz Bau

广西民族报 ganhhau: CN45-0036 B.2020 Nd.9 Ng.9 liggaueq gengceij nienz ndwencaet ngeihngeih

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei

Biengauj okbanj: Gvangjsih
Minzczuz Bause

Geizsoq: Gungh daih 3440 geiz
Geiz neix 8 banj

Bwzswz Si Banh Aenban Hag 《Diuzlaeh》

9 nyied 4 hauh, Bwzswz Si Minzyij Cunghsinh youq Singz Bwzswz banh aenban hag 《Aen Diuzlaeh Hong Vah Saw Siujsiq Minzczuz Gvangjsih Boux-cuengh Swcigih》(baihlaeng gangj dinj baenz 《Diuzlaeh》). Doengh boux-dawzrap ndaw si 20 aen si gaep danhvei baudaengz Bwzswz Si Faz-gaijveij, Gyauyuzgiz daengj, Bwzswz Si Minzyij Cunghsinh sojmiz ganbu, doengh bouxdawzrap hongsaeh vah

saw minzczuz gak yienh (si, gih) daengj doxcomz daeuj aenban neix hag 《Diuzlaeh》.

Aenban son hag neix hwnjdangz buenq ngoenz, vihliux lai hengz ndei gij minzczuz cwngcwz caeuq faplwd fapgi gvendaengz vah saw siujsiq minzczuz aendangj caeuq guekgya de, haenq-rengz hawj daengx si gak gaep ganbu guh hong vah saw siujsiq minzczuz daezsang cwngci, hangznieb suciz,

gyaak bonjsaeh guhhong, doinyoengx gak baih doxgven ciuq doenghboux cazyawj vixyinx gaij bae gij vwndiz youz doenghboux cazyawj vixok de, uk lai rox naemjingeix sim lai rox dawznaek, gag rox haenqrengz guh-hong, langh gij rengz vah saw siujsiq minzczuz ok caez bae, coinyoengx minzczuz doxgiet baennaj, hawj dieg henzguk hwnghoengh onjdingh.

(Banz Fuyauz)



Lungzswng: Banh Lai Yiengh Fungsug Hozdung Coengh Lajmbanj Lijyouz Dauq Hoengh

9 nyied 2 hauh, Lungzswng Gak Cuz Swciyen Lungzciz Cin Majhaij Cunh banh aen hozdung “seizcou dak doxgaiq”. Gyoengqvunz ndaw mbanj youq gwnz daizcueng, gwnz dingjranz, gwnz canz dak huqlajmbanj. Ngoenz de aen cunh neix lij banh haujlai hozdung, lumj minzsug cunzyouz, baij gai huqlajmbanj, langhbaij gij vwnzva miz daegsaek minzczuz daengj, dazyinx haujlai hekyouz, gicej daeuj camgya caeuq senhconz, guh neix coengh dangdieg hawj lajmbanj lijyouz dauq hoengh moq. Ndaw doz dwg hekyouz caeuq vunz dangdieg caemh diuq fouxfaexsaux.

(Banh Cisiengz)

Gih Raeuz Doenghboux Ndaej Cinmaj-ciengj Codanzvei Youq Namzningz Hai

9 nyied 2 hauh, gih raeuz doenghboux ndaej Cinmajciengj (dwg yiengh ciengj daihcibngeih gaij daengx guek cauhraiz siujsiq minzczuz faenzhag) codanzvei de youq Namzningz hai. Gyoengqvunz camgya baez hoih neix hag caez hag ndei gij vah Siz Ginbingz cungsiuhgi gangj hong vwnzva vwnzyi caemhcai daij gyauej daengz rieng ciuqhengz ndei, caeuq boux ndaej ciengj caemh angq, doxlwnh cauhraiz faenzhag cozbij gvaqlaeng rox daengz gijmaz, doxyaeng doengzcaez doi-

nyoengx gij hongsaeh Gvangjsih cauhraiz faenzhag cozbij de mwnhoengh hwnghat. Swcigih Dangjveij canzveij, Senhconz Bu bucanj Fan Yaujli camgya caemhcai gangjavah. Boux ndaej ciengj Banh Hungzyiz, Lij Yozyez, Moz Gingjcunh, Swcigih Vwnzlenz cujsiz Lij Gez caeuq Swcigih Cozhez cujsiz Dunghsih cungj gangjavah.

Fan Yaujli daiyauj Swcigih Dangjveij angqhoh doenghboux canghraiz ndaej ciengj. De lai dawznaek

naeuz, Swcigih Dangjveij, Cwngfuj haujlai nanz doxdaeuj cungj yawjnaek hwnqguh vwnzva, mbouj dingz mbouj duenh gya rengz haeujoengh hwnqguh vwnzva. Gvangjsih raeuz cauhraiz faenzhag cozbij, aeu lai rox gungganq vunzcaiz, hawj aendoih Gvangjsih faenzhag yingjyangj lai hung, gangj ndei gij goj Gvangjsih, goj Cungguk, ok rengz moq ok rengz lailai coengh hwnqguh aen gih minzczuz vwnzva giengzak.

(Gvangjsih Yizbau)

SIUSIK DINJ

● 9 nyied 3 hauh, Yungzsuij Myauzczuz Swciyen dawz gij cihsiz minzczuz doxgiet coq haeuj goqdangz ndaw bansonlien—fanh boux dangjyenz haeuj dangj-yau, hainduj cau h aen vunqsik dawz gij cihsiz cau h guh minzczuz doxgiet baenaj haeuj ndaw goqdangz sonlien dangjyenz.

(Cinz Cunghdwz)

● 9 nyied 2 hauh, aen hozdung Dunghlanz Yen 2020 nienz “cou cunghgyau ok rengz coengh vunzlai” caeuq ok rengz coengh gunggeng duetgungz de youq ndaw yienh neix Sanhlung Yauzczuz Yangh Sinhduong Cunh heijdaez, gungh miz 50 lai boux camgya hozdung, gyoengqde dwg bouxguh hong ndaw Yenveij Duncanbu, Minzcunghgiz, gyoengq ganbu Sinhduong Cunh, boux-suhgi daez caeuq boux guh hong banggungz, daengx-cungq boux ganbu bangfuz aen cunh neix, vanzlij mbangj bouxdaibauj ranz-gungzhaz.

(Veiz Swngyang)

● 9 nyied 1 hauh, Ginhcouh Si hai aenhoih minzczuz cunghgyau gunghcoz lingjdauj siujcuj daengx-cungq vei yi, gyonj gangj buenq bi gonq guhbaenz gijmaz hong minzczuz cunghgyau, nda ndei baenzlawz doinyoengx duenh hong baihlaeng.

(Liu Swjveih)

● 9 nyied 4 hauh hainduj, Denzyangz Gih youq giz dieggoek sonlien minz-bingh de sonlien doenghboux bing moq yae haeuj bingdoh dangbing, yiengh-yiengh cazyawj gyoengqde swhsiengj caeuq ndangdaej baenzlawz yiengh, bauj soengq bouxbing moq hab iugouz caez bae.

(Vangz Gozsun)

● 9 nyied 5 hauh, Lozcwngz Mulauzczuz Swciyen youq ndaw yienh Minzczuz Vwnzva Gvangjcanz banh aen yizsiz heijdaez youq “aenciet daihcibngeih gaij Gvangjsih dijuyczez” guh baenzroix hozdung bouboux lienhdang.

(Mungz Cwnghsw)